

怪手

怪手

中華書局印行



說 小

黑	木	古	兒	波	雄	克	革	歐	帳	亡	小	翻	天	瘦	褒	教育部 獎	
肩	乃	今	童	蘭	風	利	心	陸	中	國	說	雲	笑	鵲	鴿	歐美名家 短篇小說叢刊	
巾	伊	義俠奇觀	曆	遺恨錄	孤島	米戰血錄	戰心記	縱橫秘史	說	奴之日記	話	覆雨錄	短篇小說	短篇小說	短篇小說	並精裝三冊	
劉半儂	徐卓呆		天笑生	天笑生	徐亞星	姜漢聲	朱世漆	陳大鏗	劉半儂	周瘦鵑	解	周瘦鵑	包天笑	周瘦鵑	周瘦鵑	二角五分	
二冊	二冊	四冊	一冊	一冊	一冊	一冊	一冊	一冊	一冊	一冊	第一集	一冊	二冊	二冊	三冊	二角五分	
八角	五角	二元	五角	三角半	二角半	二角半	二角	三角	二角半	五分	三角	四角	七角	五角	二角五分		

中 華 書 局 發 行

怪手目錄

上冊

第一章 質造之指印

第二章 黃昏眠

第三章 鑽石櫃

第四章 銀箱中怪聲

第五章 毒室：毒箭

第六章 抽血術

第七章 雙穿

下冊

怪手 目錄

二

第八章 巨音電話機

第九章 殺人之光

第十章 續命之電流

第十一章 毒針

第十二章 血晶

第十三章 魔窟

第十四章 怪手之末路

怪手上冊

第一章 贗造之指印

一日之夕。星報主筆顧謂予曰。華德君。此間有一奇案。願君廉察之。言次。取星報晚刊中截下之新聞一則。授予。予引眸視其標題曰。「怪手又獲勝矣。」紐約神秘不測之兇犯。又殺一人。」城中警察之大失敗。」方審視間。主筆又曰。此案又爲一謀殺之案。死者名富來邱。爲一退隱之銀行家。且於大學校中爲鐘頭。頗有聲於社會。案發之後。不得端倪。但有一恫喝之書。書不署名。而以一來者誰也。之怪手爲記。憶上來復中華海克家寶飾被盜。老海克且及於難事。至傲慢。繼得亦惟得此怪手爲記之一書。鋼王休朋之爲人狙擊。其事甚怪。而令因趨剪。惟此狀若拘攣之怪手。華德君。凡此怪手出現之處。而種種不可思。

第八即亦隨之出現。可謂奇矣。主筆言至是少止。已而又曰。吾觀此賊之第十以殺人越貨爲至樂者。事愈可怖。彼亦愈樂。此大足令人寒心也。語第六前。又發爲低抑奮激之聲曰。其最可怪者。彼富來邱華海克及休朋等。均保壽險於合衆保險公司。而今乃一一都死。華德君。君曷一行。晉謁彼公司中之總理陶透萊。務竭君力。刺探其事。予聞言即念及吾友大偵探克雷。顧以急於往見陶透萊。不及覓取吾友。予先以電話調透萊行止。據云尙未歸家。亦不在俱樂部中。私念此時爲時雖晏。或猶未去公司。予當往公司中訪之。既往不得入。遂於九時許至第五蔭路。造其寓所。寓所絕壯麗。建築似沿古制。既擊鈴。即有一英國僕人出而啟關。謂透萊先生刻尙未歸。家人輩亦方盼其歸也。予念今夕之來。意在刺探怪手事。今者一無所得。何以報命於主筆。一轉念間。乃忽念及透萊女公子愛蘭。綺年玉貌。爲交際社會之名花。我胡不一見渠。

儂。或有所得。因出名紙書其下曰。「茲以怪手事。求見愛蘭姑娘。」僕人挾吾名紙。導予入過廳事。入一應接之室。甫啟關。予卽於一簷間。獲見一女。郎倩影。披夜服。綽約有致。蓋卽愛蘭也。愛蘭冰雪聰明。又勁碩如健兒。能網球。善跳舞。偶發一語。每足以驚四座。雙波欲活。榮榮如秋水。秀髮似雲。作褐色。齒整然。若編貝。工爲巧笑。居恆頗抱樂天觀念。不識憂患爲何物。故其頰輔之間。時露笑容。每一展笑。宛如春花之初綻也。當時立其次者。爲一少年律師。曰卜萊卜萊。美丰姿。常作懽愉之狀。度其年事。可三十五六。而名已卓著。與陶家相善。更見案頭有書。開而未闔。并有星報一。似披覽方已者。愛蘭目臧獲。歷歷問曰。琴吟來者誰也。琴吟答曰。愛蘭姑娘。來者爲一報館中之訪員。且語且流目顧予。狀至傲慢。繼又言曰。主人平昔不好見客。姑娘當亦知之。予恐愛蘭驟下逐客之令。因趨前罄折曰。陶姑娘。鄙人今夕四覓令尊。無處相見。實緣有事相商。不容

少緩愛蘭流目睽予嫣然笑曰君洵勇少年哉予莫名其妙亟問曰姑娘之言何指愛蘭含笑答曰阿父嘗謂苟有報館訪員擅敢闖入此間者彼將一生噬之予聞語微笑私念娟娟此多而有一食人之老父是安足信方是時斗聞門外汽車輾動之聲巨扉閉然闢一莊容華髮之老者徐步而入愛蘭款步前趨投入其懷曼聲言曰阿父今夕安往遲遲歸來兒獨御晚餐彌覺寂寥但願此等賊人之案破於旦夕則阿父心中亦可少安今阿父若有不豫色然果何事者透萊頽然坐椅中出巾自拭其面氣咻咻然呼吸甚力愛蘭愕然固問何事透萊支持久之始起立語卜萊曰卜萊君吾已得怪手矣予及卜萊相顧愕眙弗能作聲透萊又曰欲得其人事實非難吾胸中已有成竹決能得賊明日吾且揭彼怪手之真相震驚紐約一市矣語至是忽見予則大怒指門曰惡魔趣出琴吟此間有一萬惡之訪員在爾奚爲秘不吾告予知陳情無效則木立

弗動。透萊亦不顧予。挾卜萊蹠足入書室去。愛蘭尙留亭立。睇予書室中絮語之聲。隱約可聞。予頗欲淹留。於是竊聽一二側耳。哆口狀至懇懇。愛蘭搖首微笑。出纖手與予握。別予知此一握手者。不啻下逐客之令。於是不能復留。怏怏而出。然而書室中之密語。予已得其大概。所不知者。彼賊姓氏耳。尋卽倥傯返報社。秉筆縷記其事。俾得刊諸晨報。風行一市。惟報中所載。僅十之三四。後此予復輾轉探訪。始得其詳。蓋自三謀殺案發後。合衆保險公司中償款絕鉅。陶透萊焦悚萬狀。決欲得彼殺人之賊。厥後乃有一公司中所僱之偵探。得一絳髮躡足之浪人。其人有一外號。曰紅跛人。紅跛人者。亦以殺人越貨著。貌獐惡。狀如大厲。顧與怪手有隙。齟齬欲相仇。故偵探賄通其人。冀以弋獲怪手。一日之夕。卽偕紅跛人造公司。見透萊。紅跛人顫顫然出一紙裹。授透萊曰。先生。吾久不見彼人矣。然此裹中有方略。可以循迹得彼巢穴。語後將出。忽又顧謂透

萊曰。先生爲上帝故。幸勿以吾告發之事。宣洩於外。透萊許以弗洩。紅跛人遂拜謝而去。去後可數分鐘。透萊檢視案頭函件。忽得一書。封面有一狀。若拘攣之怪手。赫然照眼。卽臧然展其封曰。「趣於一小時中。毀彼紅跛人紙裏中之方略。」透萊愕視久之。不知所措。繼卽力祛其心中之恐怖。驅車歸寓。足甫逾閩。又見門上榜一紙。大書曰。「爾其記取。」其下不署名。仍以怪手爲記。透萊觀書。臧乃益甚。惟其宅心執拗。初不以此自餒。卜萊進以忠告。而悍然弗聽。反取紅跛人之紙裹。珍藏於書室內銀箱之中。視之如瑰寶焉。是夕。予返寓。入室不見克雷。知彼當在化驗所。因趨往。闖然入曰。克雷君。吾已爲爾得一奇案。實爲前此所未嘗有者。克雷狀至沈着。自其化驗管玻璃器及無數之瓶盎上。引目目。予時方驗一破布。則卽委之於一顯微鏡之次。冷然問曰。是確耶。予曰。良確。吾觀彼賊似亦爲一科學家。故殺人後。初無一絲破綻也。克雷莊容言曰。天

下大奸巨猾作惡必留痕迹其有不得痕迹者殆廉察之未周耳語時目光灼灼然目予弗瞬已又言曰比來吾固知此間有一劇賊殺人之術絕神卽如富來邱一案吾方從事刺探其人爲大學校中董事爾當知之予曰然今日又有一事爾已知之未克雷悄然問曰是何事也予答曰陶透萊已得迹兆明日且能弋獲彼賊矣克雷聞語幾於躍起立問曰彼之得此迹兆去今可幾何時予曰可三四小時克雷凝眸停注予面發吻呼曰然則陶透萊死矣言次立褫其治事之衣易一便服予曰安有是事克雷曰華德君趣從吾行脫遲遲者賊踪杳矣予見克雷作此數語似有把握一時疑懼交并弗能去懷時已夜半吾二人驅車至陶透萊居宅登階掣其門鈴琴吟應聲出啟關倦眼惺忪已不吾識且以深夜叩關尤悖彼意將闔門入克雷立梗以足揚聲問曰陶先生安在彼安耶琴吟悻悻答曰何勞垂詢主人方安寢耳方語時斗聞低呼之聲起於屋

內聲絕。慘厲令人神聳。克雷亟曰。爾其諦聽。是何聲者。時予儕已入廳。事佇立。以聽。克雷尙鎮靜。揚揚若無事。琴吟則色朽神木。顫不可止。已而至書室前。縱聲而呼。而室中寂然如死。初無應者。於是立闢其門。翔步入室。室中燈火通明。照徹四隅。中央寔一桃花心木之書桌。絕巨。桌之一端有電話機。陶透萊則方偃臥於桌次地板之上。撫之僵矣。一愛犬疾趨而至。狂嗅其亡主之骸。繼則大嗥。狺狺弗已。琴吟見狀。賊極。揚聲呼救。他僕聞聲奔集。室中大亂。尋忽有一白衣女子。翩然如飛鳥疾犇而入。投身尸次。發爲心碎之聲。曰。阿父。阿父。嗟夫。上帝阿父死矣。此女子匪他。蓋卽愛蘭也。愛蘭號泣有頃。卽挺身而起。謂琴吟曰。琴吟。爾其趣以電話請卜萊先生至。琴吟噉應。立取電話之筒。作急語招卜萊。卜萊時方就寢。答稱立至。予與克雷及愛蘭乃共昇透萊起。陳沙發上。愛蘭尙嗚咽。啜泣甚悲。其姑母約瑟芬亦入。加以溫慰。克雷卻立四矚。似頗錯愕。予行

近其側。低聲問曰。是何謂者。其爲暴卒耶。抑出於謀殺耶。克雷悄然至沙發前。檢驗透萊之尸。既起。容色滋怪。抑其聲。顧謂予曰。是可怖也。以吾度之。先是。彼必坐桌次。治事。斗聞電話之鈴。丁然作響。遂起立。至機前。取筒於手。方傾聽間。而聽筒中。忽有奇光一閃。直貫其耳。吾觀其狀。蓋觸電也。予曰。謀殺之主旨。安在。克雷曰。不見彼之衣囊。明明經人搜檢。書桌上之物事。亦復陵亂無次。謀殺者之主旨。已可想見。時室門驟闢。卜萊已匆匆而入。既視透萊死狀。卽力抑其悲微語。愛蘭曰。茲事必又爲怪手所爲。吾當拚此一生從事偵探。俾得弋取彼賊。付之有司。語時。聲至肫摯。似發於心坎深處者。愛蘭感極。無語力握其手。時則克雷方立電話機前。察視甚周。繼作細語曰。智哉。彼賊乃御手衣。來此間。一無痕迹。并指印無之也。讀吾書者。今姑聽予一述陶透萊臨死時狀。此事予初亦未之知。蓋由克雷刺探而得者。當時予自與愛蘭握別而出。而卜萊亦行透。

萊夙勤於事。則仍治事於書室。維時素月流天。月光浸其居宅。之後部苟透萊引首外矚者。卽能見二賊之影。蹲於窗間。黑陰之中。一賊以帕蒙面。但露其眸冠。輓冠冠簷壓眉心。雙肩前俯。衣領上抵其領。右手似失形。作拘攣狀。而彼震爍一時之名字。所謂怪手者。卽亦肇錫於是。手中執電綫。狀頗將愼。蓋其端實與一蓄電器相通者。旣矚其黨徒守望於外。卽由窗中潛入地窖。取電綫接於一煮爐煙突之中。上達書室。而與電話機接。透萊方治事。一無所知。旣乃憶及紅跛人所授紙裏心頗不寧。因自銀箱中取裹及他項要件。出引手按壁間機關門。闢得一秘藏。立以紙裹等納入其中。復取白紙實信封返。諸銀箱怪手在地窖中。手一流電表。以待會此時。書室中電話丁然。透萊立起。取聽筒聽之。於是極強之電力立入其耳。透萊觸電而踣。手中尙把聽筒。怪手觀其表意。乃得甚知此電力必足以殺透萊也。少選遂躡足而入書室。御其橡皮手衣。取聽筒。

返之原處。立搜透萊衣囊及書桌。最後則至銀箱之前。探囊出玻璃瓶二。卽去箱上所寫莎士比亞石像而傾二瓶中藥料於其上。成一小積。復取二鎂綫接之。燃之以火。藥既着火。發爲異光。如是可十秒鐘。藥已烏有。銀箱上立洞一孔。怪手探手入。出紙裹一束。納諸衣囊。忽又取石像置於燈光之下。出印花板二。自擦其髮。尋卽取此二板。遍印石像之身。既畢。事仍寘像於故處。以掩箱上之孔。次則微睨透萊。悄然入室。入窖。去電綫穿窗而出。吹唇作微響。召其黨徒至。二人復入陰中。影乃立隱。怪手低聲謂其黨徒曰。吾事已畢。爾今往伺紅跛人可矣。其人頷首分道而去。讀吾書者。吾今更迴敘紅跛人事矣。紅跛人旣上其方略於陶透萊。顛顛然出合衆保險公司。盤散至公園街。以斗酒自勞。苟有來者。卽拉以同飲。蓋其囊中方懷透萊酬金。爲數至鉅。卽作十日之飲。亦弗能盡。顧彼未見此酒。肆羣客之中。乃有一人近彼而坐。蠶目流動。專注其身。此人蓋

於。半。小。時。前。徘徊。於。透。萊。居。宅。左。近。者。窺。伺。移。時。忽。又。隱。身。於。幽。黯。之。一。隅。出。一。絕。重。之。鉛。管。以。新。聞。紙。裹。之。投。向。紅。跛。人。首。紅。跛。人。微。呻。仆。地。立。死。其。人。蠢。然。作。獐。笑。飄。然。自。去。但。留。此。尸。骸。一。具。以。勞。官。中。驗。屍。之。官。怪。手。之。復。仇。其。神。速。蓋。無。倫。匹。也。怪。手。既。殺。透。萊。歸。其。巢。穴。出。紙。裹。於。懷。得。意。無。極。詎。意。啟。緘。一。覽。紙。皆。空。白。於。是。勃。然。大。怒。蹀。足。中。詈。弗。已。爾。時。克。雷。方。在。透。萊。書。室。之。中。察。視。四。周。物。狀。電。話。機。上。初。無。指。印。仰。眸。遂。見。銀。箱。箱。爲。新。式。大。小。適。中。試。門。門。方。嚴。扃。而。鑰。孔。之。上。亦。無。一。絲。斧。鑿。之。痕。克。雷。恐。亂。指。印。御。其。手。衣。復。取。爐。畔。火。鉗。鉗。石。像。去。之。石。像。既。去。予。乃。失。聲。而。呼。蓋。見。箱。上。已。洞。一。孔。可。容。人。臂。因。卽。問。克。雷。曰。是。何。謂。也。克。雷。立。曰。是。山。密。德。爲。之。耳。予。曰。何。謂。山。密。德。克。雷。曰。以。鐵。酸。及。鋁。粉。化。合。而。成。發。明。者。爲。一。德。意。志。哀。桑。城。中。之。化。學。師。所。發。熱。度。在。正。千。度。以。上。不。論。世。界。最。堅。之。鋼。鐵。遇。之。立。鎔。琴。吟。詫。甚。張。口。如。鱷。魚。行。近。